



21 OCT, 2020

Jadi usahawan keluar kepompong kemiskinan

Utusan Malaysia, Malaysia

Page 1 of 2

Jadi usahawan keluar kepompong kemiskinan



MOHD. Rodzi Jaafar (kanan) menyampaikan sumbangan peralatan kepada Norita Jusoh di Pasir Puteh, Kelantan, semalam.

PASIR PUTEH: Sebanyak 80 peratus daripada 210 peserta e-kasih di negeri ini yang mendapat bantuan menerusi Program Rezeki Tani Lembaga Pemasaran Pertanian Persekutuan (FAMA) sejak 2013, berjaya keluar daripada kepompong kemiskinan.

Timbalan Pengarah (Pembangunan) FAMA, Mohd. Hafiz Nurulhuda berkata, kebanyakannya mereka tampil sebagai usahawan industri kecil dan sederhana (IKS) yang menghasil dan memasarkan produk masing-masing.

Katanya, setiap peserta terpilih disalurkan bantuan barang bermilai RM10,000 yang membolehkan mereka mengusahakan pelbagai jenis produk makanan dan projek keusahawanan.

“Sikap amanah dalam memanfaatkan pemberian, meneroka ilmu keusahawanan dan belajar strategi pemasaran membolehkan mereka mengubah kehidupan yang lebih selesa selain berjaya mengurus projek keusahawanan berdaya maju.

“Pegawai FAMA sentiasa membuat pemantauan dan memberi bimbingan kepada semua peserta e-kasih,” katanya selepas menyampaikan barang kepada ibu tunggal, Norita Jusoh, 46, yang mengusahakan serbuk asam boi, serunding dan kuih tradisional *Cek Mek*.

Frozen, di sini semalam.

Majlis penyampaian bantuan itu disempurnakan Ahli Dewan Undangan Negeri (Adun) Gaal, Mohd. Rodzi Jaafar.

Mohd. Hafiz berkata, pada tahun ini, 10 peserta e-kasih di daerah ini dari Machang terpilih menerima sumbangan yang sama dan diharapkan tampil sebagai usahawan berjaya.

Tambahnya, setakat ini empat peserta menerima bantuan yang sepatutnya dan ia tertangguh disebabkan kekangan Perintah Kawalan Pergerakan (PKP) sejak Mac lalu dan akan diselesaikan agihan hujung bulan ini.



21 OCT, 2020

Jadi usahawan keluar kepompong kemiskinan

Utusan Malaysia, Malaysia

Page 2 of 2

SUMMARIES

MOHD. Rodzi Jaafar (kanan) menyampaikan sumbangan peralatan kepada Norita Jusoh di Pasir Puteh. Kelantan, semalam.

PASIR PUTEH: Sebanyak 80 peratus daripada 210 peserta e-kasih di negeri ini yang mendapat bantuan menerusi Program Rezeki Tani Lembaga Pemasaran Pertanian Persekutuan (FAMA) sejak 2013, berjaya keluar daripada kepompong kemiskinan. Timbalan Pengarah (Pembangunan) FAMA, Mohd. Hafiz Nurulhuda berkata, kebanyakan mereka tampil sebagai usahawan industri kecil dan sederhana (IKS) yang menghasil dan memasarkan produk masing-masing.